

UW–Madison qhia kev txhawb rau ib tsoom Hmoob

UW–Madison muab kev txhawb thiab qhia cov chaw ua haujlwm muaj kev pab rau ib tsoom laj mej pej xeem Hmoob txog cov [xov xwm](#) tias tsoom fwv tau qhib kev sib tham kom nom tswv Nplog pub xa ib co Hmoob nyob teb chaws no rov mus Nplog teb.

“Peb txhawb thiab saib txhua tus hauv peb zej zog muaj nqi, tseeb tiag yog cov Hmoob rau lub caij tam sim no,” *Chancellor* Rebecca Blank hais.

Qhov kev sib tham yog txog kev pom zoo uas pub nom tswv Asmeska xa tau li 4,500 tus Hmoob tsis tau yog neeg Asmeska (xam xaj) yooj yim uas yog cov tau muaj txim los tau txiav txim kom xa lawv rov qab. Tshaj 49,000 tus Hmoob nyob hauv Wisconsin, uas yog ib pawg muaj coob nyob hauv nroog Madison.

Wisconsin Governor Tony Evers thiab lwm tus neeg pej xeem xaiv tsa thiab cov thawj coj hauv zos tsis pom zoo rau qhov kev sib tham no, tau hais kom lub *U.S. State Department* rov ua tib zoo xav txog qhov no.

Yog koj yog ib tug mejyig (tub/ntxhais kawm) uas xav nrog ib tug neeg tham teb txog qhov no los lwm yam, koj hu tau rau lub *Dean of Students office* (608) 263-5700 los xa ntawv rau dean@studentlife.wisc.edu los lub *Multicultural Student Center* (608) 262-4503, msc@studentlife.wisc.edu.

Rau kev pab tswv yim los txhawb rau tau kev nyuaj siab los ntawm qhov no los lwm yam hu tau *University Health Services Counseling and Consultation Services* rau (608) 265-5600 los cia li mus kiag rau hauv thaum 9 teev sawv ntxov txog 4 teev tsaus ntuj, Zwj Hli txog Zwj Kuab. Yog koj xav tau kev pab tam sim rau lub caij chaw ua haujlwm kaw lawm los rau ob hnuv so, thov hu UHS tus xov tooj pab teeb meem ceev (*Crisis Line*) rau (608) 265-5600, nias tus zauv (lej) 9. Rau ntaub ntawv qhia ntxiv, mus saib hauv uhs.wisc.edu.

Cov neeg ua num thiab xibfwb xav nrog ib tug tham txog qhov no los lwm yam hu tau *Employee Assistance Office* rau (608) 263-2987 los mus saib hauv eao.wisc.edu.

Cov neeg ua haujlwm kuj tau rau *Cultural Linguistic Services* rau Ntsuabzoov Thoj, 608-263-2217.

Rau chaw pab hauv zej zog, thov saib cov nyem qhib nram no:

- [*Extension Dane County*](#)
- [*Freedom Inc*](#)
- [*Hmong Institute*](#)
- [*Hmong Madison*](#)

Ntxiv, UW rov hais qhia txog nws cov cai thiab kev ua raws:

- UW–Madison yuav tsis muab tej ntaub ntawv txog cov mejyig, xibfwb los neeg ua num tias muaj ntawv nkag tuaj rau hauv teb chaws li cas, ntshe ho muaj txoj cai kom muab xwb.
- *UW–Madison Police Department (UWPD)* yuav tsis koom nrog *U.S. Immigration and Customs Enforcement officers (ICE)* xyuas raws saib cov neeg yog leej twg. Kev pab hauv tsev kawm ntawv muaj tsawg thiab ua raws lwm lub koos haum xav tau tsis yog UWPD lus zeem muag, haujlwm los kev xav. UWPD tsuas koom nrog *immigration* xwj xwb yog tias tus neeg ntawd tau ua tej yam phem uas tshuam puas loj rau hauv tsev kawm ntawv.
- *U.S. Immigration and Customs Enforcement* cov neeg yuav tsum uas raws cai li choj yog lawv tuaj hauv tsev kawm ntawv thiab xav nrog cov mejyig tham txog xyuas saib puas yog tus lawv nrhiav.